

程

宋少保右丞相信公文山吟齋集卷二

生朝五月二日

客中端二日風雨送牢愁昨歲猶潘母今年更楚囚田  
園荒吉水妻子老幽州莫作長生祝吾心在首丘

西瓜吟

拔出金佩刀斫破蒼玉瓶千點紅櫻桃一團黃水晶下  
明須除煙火氣入齒硬作冰雪齧長安清宣說碎平爭  
如漢朝作公卿

中原

中原方萬里明日是重陽桑棗人家近蓬蒿客路長引  
弓虛射鴈失馬為尋障見說今年早青又寒又缺

石三峯為示十字云昔日乘龍貴今朝汗馬勞為  
足六句

雲低昏海日風急沸江濤昔日乘龍貴今朝汗馬勞統  
綺汗塵土珠玉委蓬蒿若作渠然賦吾將僕命騷

蚤秋

寒魄澹玄河商飈慄明發羈人坐環堵壯士衣穿褐晉  
陵誰復新秦陵尚云蘇夫若百世心憲不在飢渴

懷友人

時友人以疾留金陵天慶觀

久要何落之末路重依之風雨連兵暮泥途滿客衣人  
間龍虎變天外燕鴻遠死矣煩公傳北方人是非

又

江海真何地驅來坐戰場家人半分合國事決存亡一  
死不足道白憂何可當故人爵似戟起舞為君傷

和友人

春晚傷為客月明思見君我友慕蘇武誰復脫田文龍  
背來紅日鴈聲連白雲琵琶曲馬上不堪聞

又

功業飄零五丈原如今局促誰能轉使君此士明死疾  
啼血南飛望帝魂骨肉凋殘惟我在形骸猶在人壽存  
江流千古英雄恨蘭竹作行舟柳作樊

又

見說黃沙接五原飄零隻影向南隸江山有幾個人情

風雨無情斷客魂  
落花千點  
肉飛不起真堪笑  
紅水為龍海作災

又

落、南冠過故都  
近來我意亦忘吾  
騎來驛馬身如寄  
遣去家書字亦無  
未因先立後  
穢康寧死不為  
江南只有歸來夢  
夢得田園蕪不蕪

寄惠州弟

五十年兄弟一朝生  
別離鴈行長已矣  
馬足遠何之  
葬骨知無地  
論心更有誰  
親喪君自盡  
猶子是吾兒

感傷

地維傾動  
瀛天柱折  
崑崙清夜為揮淚  
白雲空斷魂死

生蘇子節貴  
賤程公門  
高廟神靈在  
乾坤付不言

自歎

海關南風慢  
天昏北斗斜  
孤臣傷失國  
遊子歎無家  
官飯身如寄  
征衣鬢欲華  
越王臺上望  
家國在天涯

虎頭山

蚤不逃秦帝  
終然隨楚囚  
故園春草夢  
舊國夕陽愁  
妾婦生何益  
男兒死未休  
虎頭山下路  
揮淚憶虔州

高沙道中

道逢死人骨  
委積萬有千  
魂魄浸蠅蚋  
膏脂飽鳥鳶  
使我先朝露  
其事亦復然  
丈夫竟如此  
吁嗟彼蒼天  
古人擇所趨  
肯蹈不測淵  
奈何以邊軀  
葬異土  
同奔捐初學蘇

子卿終暮魯仲連求仁而得仁寧怨溝壑填自古皆有  
死之不可汗腥膻秦秦秦秦秦秦秦秦秦秦秦秦秦秦秦秦  
樊期托於燕國士急之病個儻可拘掌伊人莫知我此  
恨付重泉

竹間

倦來聊歌馬隨分此青山流水竹千箇清風沙一灣乾  
坤醒醉襄身世有無間客路真希絕浮生半日閑

戰場

三年海嶠擁貔貅一日蹉跎白髮頭坡下雌雄羞故老  
長安咫尺泣孤囚魚龍沸海地為泣煙雨滿山天地愁  
萬死小臣無足憾蕩陰誰共侍中遊

哭崖山

寶藏如山席六宗樓船千疊水晶宮吳兒進退尋常事  
漢氏存亡頃刻中諸老丹心付流水孤臣血淚洒南風  
早來朝市今何處始悟人間萬法空

六噫

聽風起兮海水飛噫文武盡兮火德微噫鷹鷂欲擊兮  
靡所施噫鴻鵠欲舉兮將安歸噫擢歌中流兮任所之  
噫獨抱春秋兮莫我知噫

元帥謂余曰國亡矣殺身以為忠誰復書之余謂  
商雖亡夷齊不食周粟人臣自盡其心豈論書與  
不書元帥為之改容

高人名若况烈士死如歸智滅猶吞炭商亡正采薇豈  
因後福方肯蹈危機萬古春秋義悠悠雙淚揮

上塚吟

湘人有登科者初授武岡尉單車赴官守名家正  
擇婿尉本有室隱其實而取焉官滿隨翁入京  
自是捨桑梓去墳墓終身不歸後官至侍從其糟  
糠妻居母家不復嫁歲時為夫家上塚婦禮不廢  
友人作古詩一首曰上塚吟某讀之為之感慨因  
更廣其意賦五言一篇

余昔從君時堂上拜姑嫜相携上祖塚歲時持酒漿姑  
嫜相繼沒馬鬣不在鄉共君甌盃飯清涕流儒裳君貧

初赴官有家不得將妾無應書兒松檟自成行君別不  
復歸歲月何茫茫長安擁朱紱執鴈事侯王豈無一紙  
書道路阻且長年一酌寒食衰心良自傷君家舊中櫛  
至今襲且箴諒君霜露心白首遙相望

葬無主墓碑

風雨中見道傍一碑題云葬無主墓之記乃大戊  
申所立雨水淋漓字畫漫滅惜不得下馬讀之

路逢一石碑亭之傲風雨停鬢髮鬢者云是無主墓末  
書戊申歲屈指九十秋是時龍渡江甲子恍一周借問  
葬者誰承平百世祖亦有周餘民戰骨委黃土太祖下  
江南誓不戮一人神孫再立國天以報至仁大河流血

丹屠毒詐之罪潼關忽不守皇皇依汴蔡螳螂知捕蟬  
不知黃雀來今古有興廢重為生人哀

邳州哭母小祥

我有母聖苦鸞飛星一周去年哭海上今年哭邳州遙  
想仲季間木主布筵几我躬已不闕祀事付支子使我  
早淪落如此終天何及今舉親喪於分亦已多母嘗教  
我忠我不違母志及泉會相見鬼神共歡喜

哭母大祥

九月七日先母夫人大祥之辰某為子不孝南望  
嗚咽為哀章一首

前年惠州哭母愆去年邳州哭母替今年飄泊在何處

燕山獄裏菊花時哀二王化如昨日兩度星周俄箭疾  
人間送死一大事生兒富貴不得力抵今誰人守墳墓  
零落瘴鄉一堆土大兒狼狽勿復道下有二兒併二女  
一兒一女亦在燕佛廬設供捐金錢一兒一女家下祭  
病脫麻衣日晏眠夜來我夢歸故國忽然海上見顏色  
一聲雞叫淚滿床化為清血衣裳濕當年娶緯意謂何  
親曾撫我夜枕戈古來全忠不全孝世事至此甘滂沱  
夫人開國分齊魏生祭死哀送天地悠三國破與家亡  
平生無憾惟此事二郎已作門戶謀江南葬母麥滿舟  
不知何日歸兄骨孤死猶應正首丘

哭妻文

烈女不嫁二夫忠臣不事二主天上地下惟我與汝嗚呼哀哉

先太師忌日

太師騎汗漫二紀似跳丸弟妹俱成立家鄉忍破殘衣  
冠晨月暗墳墓夜風寒方里逢先忌無言把淚揮

告先太師墓文

維己卯五月朔越二十有六日孝子某自嶺被執至南  
安軍謹具香幣遣人馳告于先太師率齋先生墓下嗚  
呼人誰不為臣而我欲盡忠不得為忠人誰不為子而  
我欲盡孝不得為孝天乎使我至此極邪始我起兵赴  
難勤王仲弟將家適于南荒宗廟不守遷我異疆大臣

之誼國亡家亡靈武師興解后歸國身荷憂  
責江南之夫立身四克謂親拜墓以剪荆棘大勳垂集  
一跌崎嶇妻孥子女六人為俘收拾散亡息于海隅庶  
幾奮厲以為後圖惡運推遷天所廢亦有母之喪尋失  
嫡子哭泣未乾兵臨其壘倉皇之間二女夫逝剪為囚  
虜形影獨存仰藥不瘳竟此其棘係頸繫足過我里門  
望墓相從恨不九原復指松楸有言若輩繼今支子實  
典祀事有姪曰昇我身是嗣與言及此血淚如水嗚呼  
自古危亂之世忠臣義士孝子慈孫其事之不能兩全  
也久矣我生不辰罹此百凶求仁得仁抑又何怨幽明  
死生一理也父子祖孫一氣也冥漠有知尚哀鑒之



余始至南安軍即絕粒為苦莫大遣人馳歸白之  
相攝瞑目長往含笑入地矣乃水盛風駛五日過  
廬陵又二日至豐城知所遣人竟不得行余至是  
不食垂八日若無事然私念死廬陵不失為首丘  
今心事不達委命荒江誰知之者盍少待容以就  
義乎復飲食如初因記左傳申包胥哭秦庭七日  
勺飲不入口不聞有它迺知餓踣西山非一朝夕  
之積也余嘗服腦子二兩不死絕食八日又不死  
未知死何日死何所哀哉

乙卯十月一日至越五日惟狂行有感而賦一十七首

直如不似曲如鶴自古聖賢多被囚命有死時名不死  
然憂道遺書寄冷杜宇空流血惟願嚴顏便研頭  
結東長編猶在此竊問鄉子虜人羞

落二南冠自結纆折楊臥起影縱橫坐移白日知何世  
夢斷香灯問幾更國破家亡双淚暗天荒地老一身輕  
黃梁得失俱成幻五十年前元未生

范曄在獄中為士題扇云去白日之曠之即長夜  
之悠之

心期欲上得雲上其身事悠之暮日西千古興亡何限  
百年生死本來空

此處會埋我寶劍  
此夜指我天衣

四

家勢展上步黃金一  
家勢展上步黃金一  
劉琨風裏木抄吟  
萬里風沙知己已  
盡無人會得廣陵音

五

亦知是  
楚因難無奈天生一寸丹  
結衣生擁北庭寒  
古國木夫誰為傳  
松傑野史與人看

六

風雪重門老楚囚  
夢回長夜意悠悠  
熊魚自古無雙得

鵝雀如何可共  
萬里山河真隨  
兒時愛讀忠臣傳  
不謂身當百六秋

七

聽着鴉啼  
家破見忠臣  
關河歷落三生夢  
風雪飄零萬死身  
丞相豈能堪獄吏  
故侯安得作園人  
神農虞夏吾誰適  
回首西山雜絕塵

八

風前夜燈影  
日下流霜花  
健信忽然動  
屋陰俄又斜  
中聊度歲  
夢裏萬尋家  
地獄何須問  
人間見夜叉

九

風霜陰忽  
天地清悠  
我自操吳語  
誰來問楚囚  
寂

中惟滅想達真忘憂事有章編在朝聞夕死休

十

環堵塵如屋墨然一故吾辭不烘推豨包纒救殘癯坐  
麴心如忘冷餘眼已枯不應留滯久何日畏遠條吳越  
諸葛瑾以蓬條聚而奔之

十一

告劫風塵暗衣冠痛百罪靜傳方外學情寫獄中詩烈  
士惟名殉真人與物運世間忙會錯認取去來時

十二

儼然楚君子一日造王庭議論探堅白精神入汗青無  
書求出獄有舌到臨刑宋故忠臣墓真吾五字銘

十三

兩月縲囚裏一年憂患餘踪因隨事直忠故有時愚道  
在身何拙心安躰自舒近來都勘破人世只邊廬

十四

衮衣坐縲絏世事亦堪哀枕外親炊黍爐邊細畫灰無  
人淚垂血何地骨生苔風雪江南路夢中行探梅

十五

我自怜人醒人方笑我愚身生豫讓癩背發范增疽已  
愧功臣傳猶堪烈士書衣冠事至此命也欲何如

十六

以笑忘榮辱今茲一死生理明心自裕神定氣還清欲

了男兒事幾無妻子情出門天宇闊一笑暮雲橫

十七

拱壁衣冠十六傳更無一士死君前自慚重器非九鼎  
猶幸延韓更數年孟博囊頭真自愛杲卿鈞舌要誰憐  
人間信有綱常在萬古西山皎月懸

和夷齊西山詩

詩曰登彼西山兮採其薇矣以仁易暴兮不知其  
非矣神農虞夏忽然沒兮我安適歸矣吁嗟祖兮  
命之衰矣後二千餘年某人乃倚歌而和之曰  
小雅盡廢兮出車采薇矣戎有中國兮人類熄矣明王  
不興兮吾誰與歸矣抱春秋以沒世兮甚矣吾衰矣

又從而歌之曰

彼美人兮西山之薇矣北方之人兮為吾是非矣異域  
長絕兮不復歸矣鳳不至兮德之衰矣

十二月二十日作

家國哀千古星霜忽一周黃沙漫故道白骨委荒丘許  
遠死何晚李陵生自羞南衣冠不改吾且任吾囚

二十四日俗云小羊夜

壯心負光岳病質落幽燕春節前三日江鄉王少年歲  
時有如冰風俗不同天家廟荒香燭誰人燒紙錢

立春已卯十二月廿六日

無限斜陽故國愁朔風吹馬上幽州天翻地覆三生劫

歲晚江空萬里囚，烈士喪元端不借。達人知命復何憂，  
祇應四十三年死。兩度無端見土牛。

遇靈陽子談道贈以詩

昔我愛泉石，長揖離公卿。結屋青山下，咫尺蓬萊至。  
人不可見世塵忽，相嬰業風吹。浩劫蝸角爭，浮名偶逢  
大呂翁。如有宿世盟，相從語寥寥。廓俯仰萬念輕，天地不  
知老。日月交其精，人一陰陽性。本來自長生，指點虛無  
間。引我歸負明一針，透頂門道。由天成我如一逆旅，  
又欲躡僑行。聞師此妙訣，遽慮復何情。

歲祝犁單闕月赤奮若日焉逢涒灘遇異人指示  
以大光明正法於是死生脫然若遺笑作五言八句

誰知真患難，忽悟大光明。日出雲俱靜，風消水自平。功  
名幾滅性，忠孝大勞生。天下惟豪傑，神仙立地成。

己卯歲除

歲除破衣裳，夜半刺針線。游子長夜思，佳人不可見。草  
枯稚豔吼燈暗，飢鼠現深窠。明星斗輕裘，卧風霰大化。  
忽流幹浩劫，蕩回轉冠履。失其位，侯王化。疇賤弓戈奇，  
字刀鋸。摧頽弁至性，誰可遷。微軀不足戀，真人坐冲漠。  
死生一乘傳，日月行萬古。神光索九縣。

右自己卯十月一日至歲除所賦當時望旦夕死  
不自意蹉跎至今詩凡二十餘首明日為商橫執  
徐歲不知又當賦若干首而後絕筆云己卯除日

姓某題

元日庚辰歲

鉄馬風塵暗金龍日月新  
衣冠懷故國鼓角泣離人  
自分流羊晚不妨吾道春  
方來有千載兒女枉悲辛

庚辰四十五歲

東風昨夜忽相遇天地無情奈老何  
千歲方來那有盡百年未半已為多  
君得南海長生藥我愛西山餓死詩  
泡影生來隨自在悠悠不管世間塵

感興

萬里雲山斷客魂浮雲心事向誰言  
月侵卿夢夜推枕風送牢愁登掩門  
蘇子室中開日月石印家裏舊乾坤

四月八日

朝浴佛舊風流身落山前第一州  
願上瑤桃俄五稔中五果已三周  
人生聚散真成夢世事悲懽一轉頭  
空對薰風開口笑滿懷耿耿復何求

夜起

漫被東窗月弄明此身雖在只堪驚  
一春花裏誰人疾萬里灯前故國情  
龍去想應歸海島鴈飛猶未出江城  
客愁多似西山雨一任蕭條白髮生

端午感興

千金鑄鏡百神愁功與當年禹服侔  
荆棘故官猶冠走空餘揚子水東流

當年忠血隨波千古荆人禁酒羅風雨天涯芳草夢  
江山如此故都何 又  
流梯西去恨未銷魚龍寂寂風潮楚人猶自貪見戲  
江上年年奪錦標

見文有感

過眼驚初夏回頭憶晚春已憐花結子又見文為人故  
國丹心老中原白髮新靈脩那解化清夢楚江濱

自嘆

綠槐雲影弄黃昏月照半愁半掩門一片心如千片碎  
十分鬢有二分存沙邊黃鶴長回首江上杜鵑空啼魂  
豎子溷人漫不問

自述

詩餘賦白日館後坐清風萬事來除裏平生寵辱中心  
無隨境變意自與天通莫笑邯鄲夢惺之更是空

自述

赤鳥登黃道朱旗上紫垣有心扶日月無力報乾坤往  
事飛鳴渺新愁落照昏千年滄海上精衛是吾魂

不睡

終夕起推枕五更聞打鐘精神入朱鳥形影落盧龍珥  
節蓬萊鳥揚旗大華峰奔馳意何事回首謝喬松

七夕

大地風塵惡長天歲月本憂來渾是感夢破與誰言織

鶴空回首河牛暗斷魂吾今拙又拙無復問天孫

有感

石即道一歸山川一落入手一百年八州風雨暗連天  
三皇五帝如飛煙人之野祭伊水邊春秋斷爛不復傳  
白頭潦倒今魯連夜深危坐日晏眠

閏李董至

去年我別旋出嶺今年汝來亦至燕弟兄一囚一乘馬  
同父同母不同天可憐骨肉相聚散人間不滿五十年  
三仁生死各有志悠悠白日橫蒼煙

有感

丁丑歲八月十七日家人陷今恰三周而予在行

既十閱月矣有感而賦

平生心事付悠悠風雨燕南老楚囚故舊相思空萬里  
妻妾不見滿三秋絕冷諸葛隆中意贏得子長天下遊  
一死寂然無復恨忠魂多少暗飛丘

感懷

己卯八月二十四日子以楚囚發金陵十月一日  
至越五日罹挫杆今為庚辰中秋後九日感懷四

十字

去歲趨嶽路今晨發楚澤浪名千里客劇作一年人鏡  
裏秋容別對新暮影親魯連疑未死聊用托芳塵

重陽庚辰





原件短缺

飄零萬里若蓬家一夜西風吹鬢華  
祗有新詩題甲子  
更無故舊對黃花

又

江南秋色滿梧桐  
回首西山萬事空  
怕見鏡中新白髮  
長將破帽裹西風

又

風捲車塵弄曉寒  
天涯流落寸心丹  
去年醉與茱萸別  
不把今年作健看

己卯十月一日予入燕城歲月冉冉忽復周星  
而予猶未得死也因賦八句

去冬陽月朔吾始至幽燕浩劫真千載浮生又一年  
元

感懷八句

橫磨十萬坐無謀  
回首蹉跎海上州  
大傳抵圖和藥了  
將軍便謂斫頭休  
乾坤顛倒真千劫  
身世留連復一周  
一死到今如送佛  
空牕淡月夜悠悠

兩懷

萬里青山兩鬢華  
老臣無國又無家  
乾坤局促籠中鳥  
風雪飄零海上花  
歲晚江空人已逝  
天寒日短路何賒  
書生不作網常計  
聞是東門已種瓜

除夜庚辰

門掩千山黑  
孤燈伴不眠  
故鄉在何處  
今夕是窮年  
任世真無係  
為因已自然  
夢三空  
歲月得死似登仙

又  
歲暮難為客天涯况是囚乾坤還許大歲月忽如流夢  
過元無夢息憂多更不憂屠蘇兒女態肯作百年謀

元日辛巳

金虬初日出鐵騎勒春回天上青門障人間白髮催雪  
寒欺草山院放新梅環堵甘坐落東風在却來

又

難堪  
臺客飄零雪滿樽不圖朱鳥影猶見白蛇年宮  
殿荒烟滿門庭宿草連乾坤自春色回首一潸然

初六日即事

車馬  
山閣誰家早管絃開門忽見雪擁被不知年接

破書猶在爐殘坐復然偷挑昨日事回首哭堯天

人日

今年為蛇年此日是人日江右一龍鍾山中舊估畢獨  
坐守大玄一笑發狂疾悠々王正意衰涕感麟筆

自嘆

功業蓋前車形骸感故吾屢判絳羅血幾死慶公鬢落  
乙惟心在春々有意無江流總遺淚何止失吞吳

元夕

燈火喧三市衣冠宴九宸金吾不禁夜公子早行春夢  
斷青山遠愁侵白髮新燕山今夕月清影伴孤臣

又

飄零竟如此元夕幾堪憐南國張灯火燕山沸管絃相  
思雲萬里剩看月三年笑與東風道浮生信偶然

六歌

德祐丙子正月天元丞相伯顏領軍至監安天祥  
使軍前與伯顏抗辭爭不屈與之拘留北行至鎮  
江以計脫歸時三宮已北遷矣繼靈炎帝即位福  
用召并右指傳以樞密出督志圖匡復至空坑敗  
績夫人歐陽氏男佛生還生女柳娘環娘妾黃氏  
顏氏俱被執妹女孫藻彭辰皆遇害公獨與長子  
道生以數騎免收散卒名厓山戊寅十月引兵至  
潮州遇大元兵被執北行至燕臺作此六歌哀憤

悽愴讀者與之淚下信乎疾風知勁草世亂識忠

臣也

文天祥

有妻有妻出糟糠自少結髮不下堂亂離中道逢虎狼  
鳳飛翻之失其凰將雛一二去何方豈料國破家亦亡  
不忍舍君羅襦裳夫長地久終茫之牛女夜之遙相望  
譜嗚呼一歌兮歌正長悲風北來起悽惶  
有妹有妹家流離良人去後携諸兒北風吹沙塞草萋  
窮猿慘淡將安歸去年哭母南海湄三男一女同歎歎  
惟汝不在割我肌汝家零落母不知母知豈有瞑目時  
嗚呼再歌兮歌孔悲鶴鶴在石我何為  
有女有女婉清揚大者學帖臨鍾王小者讀字声琅

朔風吹衣白日黃一雙白壁委道傍  
鴈兒啄之秋無梁  
隨母北首誰人將  
嗚呼三歌兮歌愈傷  
非為兒女淚淋浪  
音印

有子有子風骨珠  
釋氏抱送徐卿雛  
四月八日摩尼珠  
榴花犀錢絡繹縹  
繡襦蘭湯百沸香  
似酥歛隨飛電飄  
泥途汝兄十三騎  
鯨魚汝今三歲知  
在無嗚呼四歌兮  
歌以吁燈前老我  
明月孤

有妾有妾今何如  
大者手持小蟾蜍  
次者親抱汗血駒  
晨粧靚服臨西湖  
英之鴈落飄瓊瑤  
風花飛墜鳥嗚呼  
金差沆瀣浮汙渠  
天摧地裂龍鳳俎  
美人塵土何代無  
嗚呼五歌兮歌鬱紆  
為爾遶風立斯須

我生我生何不辰  
孫根不識桃李春  
天寒自暖重愁人  
北風隨我鐵馬塵  
初憐骨肉鍾奇禍  
而今骨肉重怜我  
汝在空令嬰我懷  
我死誰當收我骸  
人生百年何醜好  
黃梁得喪俱草之  
嗚呼六歌兮勿復  
道出門一笑天地老

宋少保右丞相信國公文山附錄卷四

浮丘道人招魂歌

汪水雲作

時文山在燕獄自號浮丘道人

有客有客浮丘翁一生能事今日終  
鬻種雪窖身不容寸心耿耿摩蒼空  
睢陽臨難氣塞充大呼南八男兒忠  
我公就義何從容名垂竹帛生英雄  
嗚呼一歌兮歌無窮魂招不來何所  
從

有母有母死南國天氣黯淡殺氣黑  
忍埋玉骨崖山側蓼莪劬勞淚沾臆  
孤兒以忠報罔極投古剗心命何惜  
地結長弘血成碧九泉見母無言責  
嗚呼二歌兮歌復憶魂招不來長嘆  
息

有弟有弟隔風雪音信不通鴈飛絕獨處空處坐縲絏  
短衣凍指不能結天生男兒硬如鐵白刃飛空肢体裂  
此時與汝成永訣汝於何地收兄骨嗚呼三歌兮歌聲  
咽冤招不來淚流血

有妹有妹天一方良人去後逢此缺黃塵暗天道路長  
男呻女吟不得將汝母已死理矣荒汝兄跣足行雪霜  
萬里相逢淚滂滂驚定社淚還悲傷嗚呼四歌兮歌欲  
狂冤招不來歸故鄉

有妻有妻不得顧飢走荒山汗如雨一朝中道逢狼虎  
不肯偷生作人婦左懷虞姬右陵母一劍捐身剛自許  
天上地下吾與汝夫為忠臣妻烈女嗚呼五歌兮歌聲

苦冤招不來在何所

有子有子衣裳單皮肉凍死傷其寒蓬空煨燼不得安  
斗怒索飯亂無餐亂離走窰十里山荆棘蹲坐膚不完  
失身被繫淚不乾父聞此語摧肺肝嗚呼六歌兮歌歎  
殘冤招不來心鼻酸

有女有女清且淑學母曉粧貌如玉憶昔狼狽走空谷  
不得還家收骨肉關河喪亂多殺戮白日驅人夜燒屋  
一雙白髮委溝瀆日暮潛行向天哭嗚呼七歌兮歌不  
足冤招不來淚盈掬

有詩有詩吟嘯集紙上飛蛇歎香汁社陵寶唾手親拾  
滄海月明老壽星天地長留日風什鬼神呵護六丁立

我公筆勢人莫及每一呻吟淚痕濕嗚呼八歌兮歌轉  
急急鬼抱不來風習習

有官有官位與相一代儒宗一敬讓家亡國破身凍為  
鐵漢生擒今北向忠肝義膽不可狀要與人問留好樣  
指我斯文天已喪我作哀章淚懷噙嗚呼九歌兮歌始  
放鬼抱不來點惆悵

生祭丞相文

王炎午

鼎翁

應梅

梅邊

丞相再執就義奉闕豪傑之現因難測識因與劍  
堯舉對床共賦感嗟惜之堯舉先賦云天留中  
手墳孤竹諱向西山飲伯夷子問其下句義則謂  
伯夷久不死必有飲之矣予謂白字有耳其說謂

頭人餉之之意請改作在字如何堯舉然之予以  
寂寥想章不足用吾情遂不接賦蓋丞相初起兵  
僕當赴公召進狂言有云頭名公僕毀家產供給  
軍餉以倡士民助義之心請購淮卒參錯戎行以  
訓江廣烏台之衆他兩議論狂斐尤多慷慨顯愚  
丞相嘉納令何見山進之幙府職從戎僕以身  
在太學父沒未葬母病危殆屬以時艱忍進難效  
忠退後勤孝德感泣以母老控辭丞相於而從  
之僕於國恩為已負於丞相之德則未報遂作生  
祭丞相文以速丞相之死堯舉讀之流涕遂相與  
謄錄數十本自贖至洪於驛逢水步山壩店壁貼





原件短缺

之真丞相繼後一見雖不自揣量亦求不負此心耳  
堯舉名應鳳黃甲科第授燕判與其兄堯咨文章  
超卓為安城名士

維正月日星學士書大學觀化齋生王天午謹林西山  
之禮酌酒羅之水哭祭于

文山先生未死之靈而言嗚呼大丞相可死矣文章  
魯科甲郊祁斯文不行可死喪父受公卿禮莫之榮奉  
母極東西迎養之樂為子孝可死二十而獲科四十而  
將相功名事業可死仗義勤王使命不辱不負所學可  
死華元踉蹌子胥脫走丞相自殺死者孰美誠有不幸  
則國事未定臣節未明今鞠明盡瘁則諸葛美保捍闕

臣皇帝曰君世讎也不可快欲才銘卿可盡我命

終於其哀泣進刃於帝而亦自刎今丞相以三公之位

兼睡毗之辭後機明下豈堪在李光弼宋友真下乎屈

日不保況不屈乎丞相不死當有死丞相者矣自死於

義死於勢死於人而怒罵為烈死而怒罵則肝腦腎腸

有不忍言者矣雖鑿湯刀鋸烈士不辭焉可就義以歸

全豈不因忠而成孝事在日曉丞相何所僕乎以舊主

尚在未忍棄捐也李昇墓楊行密之墓遂其子孫於海

陸嚴兵守之至子孫自為匹偶然猶得不死周世宗征

淮南下詔撫安楊氏子孫其景升墓遂殺其族夫撫

安本以為德又遂為禍幾微一失可不惧哉王衍既歸

唐莊宗發三辰之誓全其宗族未幾信伶人景進之計  
術族盡誅幾微之倚伏可不畏哉夫以趙祖之遇降主  
天固巧於報施然違共暫處皓坐苟安舊主正坐於危  
疑羈臣尤事於骯髒而聲氣所逼猜嫌必生豈無李泉  
之疑或景進之議則丞相於舊主不足為情而友於害  
矣美于丞相鄉之晚進士也前成均之弟子負進而父  
沒退而國亡生雖媿陳東報汴之忠死不效陸機入洛  
之恥丞相起兵次鄉國時有少年狂子持斐牘叫軍門  
丞相察其憂憤而進之怜其親老而退之非僕也耶痛  
惟千載之事既負於前一得之愚敢默於後進薄昭之  
素服先元亮之樣歎頭與丞相商之庶幾非丞相父母

邦乎趙太祖語孟昶母曰勿戚之行遣汝歸蜀昶母曰  
妾太原人願歸太原不願歸蜀契丹遷晉出帝及李太  
后安太妃于建州太后疾亟謂帝曰我死焚其骨送范  
陽佛寺無使我為虜地鬼也安太妃臨卒顧謂帝曰當  
焚我為灰向南颺之庶遺鬼得返中國也彼婦人彼國  
若彼國亡者尚眷之故鄉不忍飄弃仇讎外國况忠臣  
義士乎人不七日谷則斃自梅岑以出縲不得留漢廡  
而後田橫亦當吐周粟而友孤竹至父母邦而首立焉  
廬陵盛矣科目尊矣宰相忠烈合為一傳矣舊主為老  
死於降邸家亡而趙不絕矣不然或拘因而不死或秋  
暑冬寒五日汗下瓜帶噴鼻死溺死畏死排牆死盜賊

毒蛇猛虎死輕一死於鴻毛腐一簣於泰山而或貽舊  
主憂縱不斷絕有之殺君亦將悔伯仁之由我則鑄錯  
已無錢噬臍寧有口乎嗚呼一節四忠待公而六為位  
其間聞訃則矣

又望祭文丞相文

相國文公再被執時予嘗為文生祭之已而吉水  
張千載心私殺自燕山持丞相髮與齒歸丞相既  
得死矣嗚呼痛哉謹痛哭望奠再致一言

嗚呼扶顛持危文山諸葛相國雖同而公死節倡義舉  
勇文山張廵殺身不異而公秉釣名相烈士合為一傳  
三千年間人不兩見事認身執義當勇決祭公速公童

子易箴何知天意佑忠憐才留公一死易水金臺乘氣  
指軀壯士其或久而不易雪霜松柏嗟哉文山山高水  
深難面者天不負者心常山之髮侍中之血日月韜光  
山河改色生為名臣死為列星不然勁氣為風為霆于  
將冀邪或奇良治出世則神入土不化今夕何夕斗轉  
河斜中有光芒非公也耶

予嘗讀先生所為生祭死祭信國公文二篇其忠烈之  
氣真可與天地間風霆日星相水偉哉言也使當時非  
以親老去幕下則發謀定慮為信國左右手者豈在杜  
架閣諸君子後哉今諸君皆以信國牽聯掛名于宋

史則先生之志知者鮮矣豈不良可慨耶雖然先生見  
義明信道篤固不以史書為輕重二祭文不朽也恨生  
晚無繇親炙故再拜遺像而識以斯語庶百代之下有  
能觀先生風神者尚足以感發而興起云

讚丞相像

許左臣 有壬 可用

有壬早慕文山公風節與其孫富游嘗序公傳而  
未得公像意其雄傑峭異若太史公疑張子房為  
鬼梧竒偉也富第寔奉像求贊始遂瞻拜乃溫其  
如玉焉然其粟而廉者不可拚也仁者必有勇公  
之謂也

贊曰

精金不蝕貞玉不磷昆岡火炎乃流乃焚不流不焚孰  
為乎貞摧抑不至而力不竭問關萬狀而氣益振我公  
之心有如此水我人我民我疆我理獨有入海萬一振  
起而實厭宋臣力竭矣陳旣就俘氣言愈厲談咲燕市  
取義得義一言一動足為人師若曰父母有疾不可以  
難愈而不藥則百世之訓彛尊顏鄙夫偷生一時死何  
所遺壞腐冰澌公乃不死孰得而死之予今見公圖繪  
固嚴霜烈日之梗槩而景星鳳凰尤足以慰後世快觀  
之思也至元己卯望書于江夏鵠山寓所相臺許有壬  
頓首再拜

鄧中齋讚

東南英氣萃於其身可死其身不死其神

蕭諶一誠贊

趙宋三百年之治教萃於此趙宋三百年之靈神止於此屹砥柱於頽波溯大川而獨逝不有先生曷其有以嗚呼烈之丹衷凜之生氣伯仲三仁綱常萬世

又

安有如此而在人下安有如此而福壽終然其所以堂堂不朽者為宋五忠嗚呼廬陵之風

題文山真贊

廬陵劉岳申

死忘其元生愛其膝宋亡誰謚宋史誰筆當日穆陵不可第七萬古廬陵進士第一

神石銘

廬陵李鼎非克貞撰

神石者宋少保石丞相信國文公兵敗而獲繫于石也當景炎聖亡信公開督府于汀州出兵恢復至吉之空坑兵敗而走山逕險隘追兵已及公方過大石忽墜而塞其路追兵阻於墜石不能過比再求路而公已去矣夫石者頑然無知覺運動之物也而能拯忠臣於危迫之際是石而神也其果孰使之然哉蓋公之忠義有以感之而天實使之也公當宋室潰敗不可為之時猶奉其遺孤於海島力奮不顧死圖欲復其宗社一念之烈上通於天能感夫深山之石使之震動奔走以效其用類若驅策之者此天之所以佑夫忠義而有非

人力之所能及者美然余嘗疑天佑之矣而終不使之  
成功者何哉豈宋運已終既不可復而一時倉卒之間  
闡昧而死不足以表其全節必將保佑完護使之雍容  
就義死于燕市然後精忠大節烈烈然者當世而垂無  
窮予以正千萬年綱常彝倫之道為臣子之準上天之  
意其在是歟意向非茲石則公死于斯時矣此石之所  
以神也乃為之銘曰

空坑之原厥石齟齬幾千萬年峙于幽阻嗟嗟忠臣兵  
敗而馳追騎已及形迫勢危屹然而墜塞其要阨昔為  
夷途倏爾阻絕敵師孔武竟莫能踰脫其危迫靡有艱  
虞維石之神維石之功維天所使以完其忠雍容一死

義盡仁至千年綱常由茲弗墜嗚呼神石天地悠久公  
之忠節同茲不朽我作銘詩以開耒哲烈哉信公神哉  
茲石

神石詩

古文夏霖道存

峽若山頭石頭鈍不可鑄屹立自太古閱歷忘歲年匹  
馬為誰走三軍亂馳奔微軀豈容惜忍見天為崩山徑  
方歎危追騎來如雲蔽然阨中路劃使生死分昇命不  
再擬誰能支其顛獨餘忠義士欲使昌其傳茲石亦孔  
神所使寧非天火德竟絕燭孤忠不堪憐

同知徐子方作

大元不殺文丞相君義臣忠兩盡之義過漢高封齒日

忠如蜀將斫頭時  
朝庭日月華夷見  
嶺海風霜天地知  
只恐史官書不盡  
老夫和淚寫新詩

吊文山

文江顏可遠

入關吾自戴吾頭  
脫關恨無狐白裘  
林深虎闕日西夕  
風急鴈斷江南秋  
篆泉石上礪牛角  
障東橋邊鳴鹿呦  
悲魂夜歸風雨作  
怒氣上激奔湍流

挽文山丞相

虞伯生

徒把金戈掠落暉  
南冠無柰北風吹  
子房本為韓仇出  
諸葛寧知漢祚移  
雲暗鼎湖龍去遠  
月明華表鶴歸遲  
不須更上新亭望  
大不如前洒淚時

讀文山集

黃誠性

三百餘年樂育恩  
晚從科目得斯人  
崎嶇嶺海期年國  
零落羶毛萬死身  
諸葛未亡猶有漢  
包胥欲泣更無秦  
挑燈慷慨歌梁甫  
長簫森懾鬼神

宋少保右丞相信國公文山附錄卷四終



書

上海圖書館藏

